



JAVNI POZIV NEZAPOSLENIM OSOBAMA ZA PRIJAVU UČEŠĆA U PROGRAMU OBUKE I STRUČNOG USAVRŠAVANJA ZA CNC OPERATERE U SBK/KSB

Mješovita srednja tehnička škola Travnik u okviru projekta „SARADNJOM DO BOLJE KONKURENTNOSTI – SBK“ koji realizuje Lokalno partnerstvo za zapošljavanje SBK/KSB (LPZ SBK) uz podršku Evropske unije i Međunarodne organizacije rada u BiH, poziva **nezaposlene osobe sa evidencije Zavoda za zapošljavanje SBK/KSB** za prijavu učešća u programu obuke i stručnog usavršavanja za cnc operatere u SBK/KSB.

U okviru Projekta planirano je provođenje obuke za minimalno 30 nezaposlenih lica prijavljenih na evidenciji Zavoda za zapošljavanje SBK/KSB.

Obuka uključuje teorijski i praktični dio (120 sati ukupno) i potpuno je besplatna za sve učesnike sa pokrivenim troškovima prijevoza i ishrane tokom obuke. Teorijski dio obuke će biti realizovan **u Travniku** po programu osposobljavanja koji je odobren od Ministarstva obrazovanja, nauke, kulture i sporta SBK/KSB. Praktični dio obuke će se realizovati u partnerskim preduzećima vodeći računa o prebivalištu polaznika. Svi izabrani polaznici/e će biti na vrijeme informisani o mjestu i vremenu održavanja obuke.

Osim općih ciljeva, znanja, vještina i stavova za lični razvoj i dalje učenje, **ovaj obrazovni program polaznicima omogućava** stjecanje praktičnih i teoretskih znanja i vještina za obavljanje poslova cnc operatera:

- Poznavanje i primjena mjera zaštite na radu i sigurnosnih mjera propisanih pravilnikom i u skladu sa zahtjevima radnog mjesta.
- Prepoznavanje vrste, dimenzija, razmjere i zaglavlja tehničkog crteža.
- Pokretanje i upravljanje CNC mašinom.
- Savladavanje CAD/CAM + generisanje G koda u SolidWorks/SolidCam programima.
- Kontinuitet u kvalitetu rada i osiguranje kvaliteta cjelokupnog radnog procesa.

Kandidati/kinje koji uspješno završe obuku i stručno osposobljavanje će dobiti **uvjerenje o osposobljavanju/certifikat i mogućnost zapošljavanja** u partnerskim organizacijama.

Osobe zainteresirane za učešće u programu edukacije za CNC operatere mogu se prijaviti putem namjenski dizajniranog **Prijavnog obrasca**. Obrazac možete preuzeti na ovom [linku](#). Uz popunjen prijavni obrazac **obavezno je priložiti sljedeću dokumentaciju**:

- uvjerenje o državljanstvu (ne starije od 6 mjeseci);
- izvod iz matične knjige rođenih;
- CIPS obrazac;
- diploma najvišeg završenog obrazovanja;
- uvjerenje Službe za zapošljavanje SBK/KSB da se osoba nalazi na evidenciji za nezaposlene osobe

Navedeni dokumenti moraju biti **original ili ovjerena kopija**.



Projekat finansira
Evropska unija



LOKALNA PARTNERSTVA
ZA ZAPOŠLJAVANJE
U BOSNI I HERCEGOVINI



International
Labour
Organization

Prijava sa pratećom dokumentacijom mora biti podnesena **do 20.04.2023.** godine putem e-maila: tehnickaskola.tr@bih.net.ba (Naslov poruke: Prijava na program obuke za CNC operatere LPZ SBK) ili preporučeno poštom ili dostaviti direktno na adresu:

MJEŠOVITA SREDNJA TEHNIČKA ŠKOLA TRAVNIK
Školska bb,
72270 Travnik, BiH
(Prijava na program obuke za CNC operatere LPZ SBK)

Nepotpune i neblagovremeno podnesene prijave neće se uzeti u razmatranje.
Ukoliko trebate dodatne informacije slobodno nas kontaktirajte.

Projekat „SARADNJOM DO BOLJE KONKURENTNOSTI – SBK“ implementira Lokalno partnerstvo za zapošljavanje SBK/KSB (LPZ SBK) koga čine: Regionalna ekonomska zajednica „REZ“ d.o.o., Služba za zapošljavanje SBK/KSB, Ministarstvo za privredu SBK/KSB, Sveučilište/Univerzitet „Vitez“, Srednja mješovita tehnička škola Travnik, Centar za edukaciju mladih CEM, Općina Vitez, Općina Novi Travnik, Općina Jajce, Općina Travnik, GS-TMT d.o.o. Travnik, A&F d.o.o. Jajce, MAKS d.o.o. Vitez i PU „Linija života“ Donji Vakuf.

Lokalno partnerstvo za zapošljavanje SBK/KSB je jedno od 20 partnerstava uspostavljenih u BiH u okviru projekta „Podrška Evropske unije lokalnim partnerstvima za zapošljavanje – Faza II“ (LEP II), kojeg Evropska unija finansira s 4 miliona eura, a provodi Međunarodna organizacija rada (MOR). Ovaj projekat ima za cilj da kroz lokalna partnerstva za zapošljavanje doprinese poboljšanju zapošljavanja u lokalnim zajednicama i unaprijedi vještine i prilike za zapošljavanje osoba u nepovoljnom položaju na tržištu rada.

Za više informacija o projektu LEP II, posjetite www.partnerstvo.ba i kanale društvenih mreža (Instagram, Facebook, Twitter i YouTube).